




Krizni štab za praćenje novog corona virusa

Krizni štab Ministarstva zdravstva Zeničko-dobojskog kantona za praćenje novog corona virusa, u skladu sa članom 2. Pravilnika o organizaciji i načinu rada Kriznog štaba Federalnog ministarstva zdravstva („Službene novine Federacije BiH”, broj: 10/12) i članom 14. Poslovnika o radu Kriznog štaba Ministarstva zdravstva Zeničko-dobojskog kantona, broj: 11-33-1335-18/20 od 11.03.2020. godine, na sjednici održanoj dana 24.07.2020. godine, donio je

### **ODLUKU**

1. Usvajaju se Smjernice za postupanje sa pacijentima pozitivnim na COVID-19 i osobama iz kontakata, sa kriterijima za obavezno upućivanje COVID-19 pozitivnih pacijenata na hospitalizaciju, kao i kriterije za liječenje i izolaciju u kućnim uslovima, koje su sastavni dio odluke.
2. Odluka broj: 11-33-1335-101/20 od 16.07.2020. godine, sa Smjernicama koje su sastavni dio navdene odluke, stavljaju se van snage.
3. Ova odluka stupa na snagu danom donošenja.

Broj: 11-33-1335- 107/20  
Zenica, 24.07.2020. godine



Predsjednik Kriznog štaba  
Zeničko-dobojskog kantona  
Ministar

dr. Adnan Jupić

Dostaviti:

- 1x svim domovima zdravlja (putem e-mail)
- 1x JU Kantonalna bolnica Zenica,
- 1x Opća bolnica Tešanj,
- 1x Kantonalna uprava za inspeksijske poslove,
- 1x Općinska sanitarna inspekcija (svima),
- 1x MUP Zeničko dobojskog kantona,
- 1x web stranica Zeničko-dobojskog kantona i
- 1x a/a

## SMJERNICE ZA POSTUPANJE SA PACIJENTIMA POZITIVNIM NA COVID-19 I OSOBAMA IZ KONTAKTA

### 1. Kriteriji za obavezno upućivanje COVID-19 pozitivnih pacijenata na hospitalizaciju (Obavezan RTG snimak pluća)

- za sve osobe sa simptomima: visoka temperatura(  $>38^{\circ}$ ), kašalj, otežano disanje, poremećaj sensorija, diarea i procjena psihičkog stanja pacijenta. (obavezan RTG snimak pluća),
- RTG pozitivan nalaz bez obzira na simptome,
- za sve osobe sa hroničnim oboljenjima: srčanim, plućnim, povišenim krvnim pritiskom, bubrežnim, hematološkim i dr. oboljenjima koja mogu biti komplicirana COVID-19 infekcijom
- za sve osobe starije od 65 godina

Konačnu odluku o hospitalizaciji donosi nadležni doktor u bolnici.

### 2. Liječenje i izolacija u kućnim uslovima

Sve osobe SARS-CoV 2 pozitivne, koje ne ispunjavaju gore navedene kriterije, mogu se ostaviti u kućnoj samoizolaciji u trajanju od 14 dana.

Ukoliko osoba u samoizolaciji **ne razvije simptome bolesti**, testira se 14. nakon prvog testiranja. Ako je rezultat testa negativan, prestaje potreba za samoizolacijom.

Ukoliko je rezultat testa 14. dana pozitivan, ponoviti testiranje nakon 7 dana uz produženo trajanje samoizolacije.

Ukoliko se u ovom periodu razviju simptomi bolesti, pacijent se, prema gore navedenim kriterijima, upućuje na pregled infektologu.

Osoba koja je u samoizolaciji razvila simptome bolesti, testira se najmanje 10 dana nakon pojave simptoma plus 3 dana nakon prestanka simptoma.

Ako je rezultat testa negativan prestaje potreba za samoizolacijom.

Ukoliko je rezultat testa pozitivan, testiranje ponoviti nakon 7 dana uz produženo trajanje samoizolacije.

Odluku o smještaju SARS-CoV -2 pozitivne osobe u kućnu samoizolaciju, donosi nadležni tim porodične medicine kojem pacijent pripada.

**Rješenje o kućnoj samoizolaciji donosi nadležni sanitarni inspektor.**

### 3. Kontakti

Transmisija u zajednici: trženje kontakata može biti otežano u slučaju intenzivne transmisije. Tada treba raditi u najvećoj mogućoj mjeri sa fokusom na kontakte u **domaćinstvu, zdravstvenim**

radnicima, zatvorenim sredinama sa visokim rizikom (studentski domovi, ustanove, ustanove za dugotrajnu njegu) i osjetljivim kontaktima i traženje kontakata u područjima sa manjim klasterima.

Definicija: Kontakt je svaka osoba koja je bila izložena slučaju COVID-19, u periodu od 2 dana prije i do 14 dana nakon pojave oboljenja kod slučaja, tako što su se:

- nalazile u krugu od 1m od slučaja COVID-19 duže od 15 minuta bez obostranog nošenja maski,
- bile u direktnom fizičkom kontaktu sa slučajem COVID-19,
- direktno njegovale pacijenta sa COVID-19 bez upotrebe lične zaštitne opreme (preuzeto iz smjernica SZO „Traženje kontakata u kontekstu COVID-a 19“)

Ostalo, kako se procijeni.

### **3.1.Upravljanje kontaktima**

-asimptomatski: samoizolacija 14 dana i ako ne razvije simptome kompatibilne sa COVID-19, otpušta se iz samoizolacije

-ukoliko se u toku samoizolacije pojave simptomi bolesti-testiranje uraditi odmah.

**Rješenje o zabrani kretanja osoba iz kontakta donosi nadležni sanitarni inspektor.**